



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel XLI. Van het ghetal van neghen-thien, ende van der Martelaren stantaftigheydt.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)



## CAPITTEL XL.

Van H. Andries Wouters Pastoor van Heynoert.

**H** Andries Wouters / Pastoor van Heynoert / d'welck is een doorp in't gherecht van Doordrecht / vande Geusche vrij-buyters dat landt afloopende in sijn huys ghevanghen zijnde / is van daer ten Briel ghebraght / daer hy by de heylighe Martelaren ghevoeght / is met hem gheromen tot het selfste lijden ende glozie. Wat wil ick in desen man anders prijsen dan de wonderlijcke goedt heydt Godts? Want als hy / ghelijck ick verstaen hebbe / in sijn pastoorije hadde gheleydt een leuen niet seer eerlijck / en dat niet sonder openbaer schandael / deur de wonderlijcke ende sonderlinghe gheweerdigheydt Godts ( die lichtelijck eenen armen van daughden can rijck maecken mit die gauen sijner gracen / ende <sup>Psal. 112</sup> uyt den dreck der vleeschelijcker ghebreken ghehoghen / can stellen by die princen sijn volcks ) is hem ghegunt eenen buyten-ordinarisen wegh ( om al-soo te segghen ) om tot de croone der martyprien te gheraecten .

## CAPITTEL XLI.

Van het ghetal van neghen-thien, ende van der Martelaren stantafsigheydt.

**H**ier hebt-dy / Christé Leser / negen-thien Martelaeren van ons in dese historie ghestelt in ordie niet naer elcks verdiensten / want dese can alleen onder-schepden de Heere die hen ghecroont heeft / maer naer het inne-gheuen van een andere redelijcke oorlaecke . In welck ghetal dat Godt tot de hooge glozie der martyprië al-soo te veuren geschickt heeft / en is



en is dese contemplantie niet te verwoyden / dat t'ghetal van thien beteeckent de vol-comene vol-bruinghe des wets / ende t'ghetal van neghen / de mede-deplinghe vande hemelliche blijdschappen. Want ghelijck de Goddelijcke wet in thien gheboden besloten is / al-soo wordt de menighe der saligher gheesten in neghen chooren ghedeylt. Waeruyt anders niet te nemen en is dan dat onse Martelaers deur de onder-houdinghe der gheboden Gods hen seluen den wegh ende in-gangh beroydt hebben tot de aller-salighste ghemeynschap der heyligher Engelen. Want al ist laecke dat sommighe van hen de onnooselheydt in allen hun leuen niet en hebben bewaert / souden wy daer-om meynen dat sy de Goddelijcke wet niet en hebbē onder-houden? In gheener manieren. Want aen-ghesien dat wel waersachtelijck gheseght heeft de treffelijcke Doctor sinte Augustijn / dat alle de gheboden Godts ghehouden worden veur ghedaen / als ons vergheuen wordt alle t'ghene dat wy niet en hebben vol-braght: soo en moeten wy veur-waer niet twijfelen oft Godt en heeft hen toe-geschickt de vol-comene gehoorzaamheydt des wets / de welke in het bewijzen van het aller-meeste werck der liefden / vol-comen supuevinghe der sonden deur die doodt hebben ontfangen. Voorzits aen-gaende hunne bromigheydt / segghe ick dit alleen / dat die in hen allen soo groot ende sulchs is gheweest / die hen heeft Martelaren conuen maerken / ende conuen presenteren aen den almoghenden Godt om deur die giorie der martyrien ghecroont te worden. Want hoe wel dat de eene stercker was / vlijtigher / ende gherceder om het martyrie te lijden dan de andere / ende dat (d'welck ick niet en wil loochenen) in hunne vergaderinghe zijn gheweest sommighe swacke en niet stantastigh ghenoech /

L. 1. re-  
trac. c. 9.



ghenoegh/als de ghene die deur de vermaninghen ende exempelen van d'andere schenen te moeten ghe-  
 courageert ende versterckt worden (want in eenen  
 grooten hoop en soudt nauwelijcks connen anders  
 wesen :) nochtans en is niemant van allen desen  
 af-ghegaen de belijdinghe des Catholijcks geloofs/  
 niemant en heeft in't uysterste eenighe twantelach-  
 tighydt des herten ghtoont / niemant en heeft  
 met woorden/ aen-ghesiecht oft teekenen te kennen  
 gegeuen dat hy bereedt was sijn religie te verlaeckē  
 ( daer hy veur steruen moest) om sijn leuen daer me-  
 de te salueren. Ten lesten dit verlaere ick waer-  
 achtelijck / naer dat ick aē vele verscheydene die hier  
 af eenige kennisse moghten hebben met grooter zorg-  
 vuldighydt hebbe vernomen van elcks stantachtig-  
 heydt in't ghelooue / dat ick anders niet en hebbe  
 connen verstaen dan dat sy alle-gader tot eenen toe  
 (sprekende alleenelijck vande ghene die in't veur-  
 scyde ghetal van neghen-thien begrepen zijn) inde  
 belijdinghe van het Catholijck ghelooue totten le-  
 sten adem toe hebben vol-herdt. Waer in sonder  
 enigh twijfel | et waerachtigh martyrie vol- come-  
 lijck ghelegghen is. Maer om dies wille dat de veur-  
 gaende hystorie melt dat de drij Martelaers die wy  
 de leste ghestelt hebben/ontfanghen hebben de croo-  
 nen van drij af-ghewekene / die mette andere te  
 Gozrom ghevanghen ende van daer naer den Wziel  
 ghebraght wesende/ vele verdriets met hen-lieden  
 in't ghemeyn verdzagghen hadden / soo moghte by-  
 auenturen pemandt verwachten / dat wy souden  
 verhalen tot wat eynde dat dese drij noch ten lesten  
 geraecht zijn. O welck wy nu in't corzte willen ver-  
 volghen / niet veur-waer uyt intentie van achter-  
 clap te spreken ( d'welck Godt van onse tonghe en-  
 de penne al-tijdt verhoeden wille ) maer / naer-de-  
 mael



mael dat de saecke nu velē kennelijck is gheworden/  
op dat wy in hen oft de barmhertighejdt Godts  
moghen beminnen / oft sijn recht-veerdighe ordet-  
len vreesen.

## CAPITTEL XLII.

Hoe B. Henrick de Nouicius Minder-broeder  
ghevaren is.

**B** Henrick Minder-broeder Nouicius / al was hy  
los ghelaten ende vande moepelijckhejdt des  
kerckers verlost / nochtans ter wijlen hy onder de  
Geusen heeft moeten verkeeren ende onder hen ee-  
nighe ghedienstigheden doen / is dickwils gheslagen  
gheweest / ende heeft vele verwyjds / schamperhejdt  
ende spotterijen verdraghen / ende menigh-mael  
moeten hoorzen dat hy een upt-ghelooopen Monick  
was / iae onder de dreyghementen van de wreede  
menschen nergheringhs vry van perijckel van ghe-  
hanghen te worden / leuende bujten ende binnen  
een alendigh leuen . Maer ten lesten heeft de handt  
Godts sijnen wegh-ghelooopen knecht woonende  
in't midden van Babylonien ghebatt ende totten  
schoot der heyligher Kercken ghetrocken / ende de  
heylighe ghemeyute der broeders weder-om ghe-  
gheuen . Want naer een weynigh tijdts met sijnen  
heere die hy diende / ghereyft zijnde naer Dordrecht /  
heeft sy-seluen heymelijcken verlozen / ende deur het  
toe-doen van een goede Catholijcke vrouwe verste-  
ken zijnde / heeft de blught ghenomen / en met blijd-  
schap totte Catholijcken ghecomen / wiens ghe-  
meynschap hy noyt upt der herten verlaect en had-  
de . Tot s'Hertoghen-bosche is hy vande broe-  
ders van sijnen Orden met broederlijcke liefde  
ontfanghen / ende hebbende oodt-moedighe peni-  
tentie